

越縵

書

史

記

託

後漢書 三國志





後漢書札記

卷五

讀史札記之三

會稽 李慈銘

荀韓鍾陳列傳第五十二

爽見董卓忍暴滋甚必危社稷其所辟舉皆取才略之士將共圖之亦與

司徒王允及卓長史何顥等爲內謀

汲古閣本
頁四下

慈銘案謂爽同謀圖卓此荀氏後世貴顯飾僞之辭也爽與蔡邕雖非有心黨卓而感恩畏禍弭首服從媚之不遑何能相害故幸則爲荀爽位台司而先令終不幸則爲蔡邕封鄉侯而竟從戮

時太山賊公孫舉僞號歷年守令不能破

頁七下

慈銘案舉下當有僭字

瑾常曰膺言白皓皓曰昔國武子好昭人過曰致怨本卒保身全家爾道

爲貴

頁八下

慈銘案三國志注引先賢行狀云皓曰元禮祖公在位諸父並盛韓公之甥故得然耳國武子好招人過以爲怨本今豈其時保身全家汝道是也又案國武子好招人過語見國語

時中常侍張讓權傾天下讓父死歸葬潁川雖一郡畢至而名士無往者讓甚恥之實乃獨弔焉

頁九下

慈銘案邪正之分事無中立弔慶之敬情所由生太邱名德冠時而執紼于凶豎觀瞻所係俯仰何心旣與之周旋便爲內交宦寺全身幸免名節已虧朱子謂陳氏風節之卑自太邱始誠哉斯言

年七十一卒於官

頁十下

慈銘案古文苑邯鄲淳鴻臚陳君碑云建安四年六月卒

子羣爲魏司空

頁十一上

慈銘案羣仕魏封潁陰侯卒諡靖侯子太嗣太字立伯官至侍中光祿大夫尚書左僕射卒贈司空諡穆侯見三國志本傳又注引陳氏譜曰

諫孫佐官至青州刺史子準太尉封廣陵郡公

李杜列傳第五十三

王道得則陰陽和穆上頁一

慈銘案治要和穆作和理

夫化曰職成下頁一

慈銘案治要化作治

侵奪主威改亂嫡嗣下頁一

慈銘案嫡俗字治要作適是也

宜令步兵校尉冀及諸侍中遷居黃門之官上頁二

慈銘案治要遷作還

會稽賀純上頁五

章懷注謝承書曰純字仲真云云慈銘案此注宜移在前黃瓊傳

固引司徒胡廣司空趙戒下頁七

章懷注謝承書戒字志伯云云慈銘案趙戒子典前二十七卷有傳此
注宜多在彼傳云父戒爲太尉之下又案華陽國志言戒封廚亭侯諡

曰文

臨終與胡廣趙戒書曰

頁八下

慈銘案治要臨終作臨命

州郡收固二子基茲於郾城

頁八下

慈銘案治要茲作慈

小子變得脫亡命

頁八下

慈銘案華陽國志卷十云韓樹南南鄭人趙子賤妻也子賤殺憲公季
公時樹南諫不從及固小子變得還子賤慮變報仇賃人刺之變覺告
郡殺子賤臨死樹南許共并命兄弟嫂使侍婢守之經百餘日乃怠樹
南於幕下自殺

姊文姬爲同郡趙伯英妻

頁九下

慈銘案華陽國志趙伯英名瑛

故陳資斧而人靡畏

頁十上

慈銘案資治要作質即鑕字

喬故掾陳留楊匡聞之號泣星行到洛陽

頁十下

慈銘案藝文類聚卷九十二引謝承後漢書曰楊章爲杜喬所辟爲平原令棄官還聞固喬暴尸星行赴雒著敝衣赤幘守其屍驅護蠅蟲天子嘉其忠義聽殯斂之楊章即楊匡也

吳延史盧趙列傳第五十四

爾何人而僞詐無狀

頁六上

慈銘案治要僞詐作詐僞

當植抽白刃嚴閣之下追帝河津之間排戈刃赴戕折豈先計哉

頁十下

慈銘案抽白刃當本作抽戈排戈刃當本作排白刃此恐是傳寫者牽連致誤又案盧子幹執戈數張讓事見何進傳而論中乃獨著此事史

家詳略不苟如是晉書以下鮮識此法矣

歧及從兄襲又數爲貶議玆深毒恨

頁十一上

章懷注云決錄注襲字元嗣慈銘案三國志閻溫傳注載歧從子息爲京兆功曹屢抑辱玆玆爲京兆乃與歧俱逃徙玆收歧兄涼州刺史仲臺及尺口以上盡殺之疑此注所云襲者即息故字元嗣而從兄當爲兄子耶

歧懼禍及乃與從子馱逃避之

頁十一上

慈銘案馱附見後王允傳

歧多所述作著要子章句三輔決錄傳於時

頁十二下

刊誤云要子章句要當作孟古書無要子而歧所作孟子章句傳至今本傳何得反不記也惠氏棟云劉氏既有刊誤明國子監本遂刊去要字改爲孟子章句慈銘案吳氏刊誤補遺以爲古孟黽字通而要字古作叟故因誤爲要王氏鳴盛極稱其說然此處章懷無注知本作孟不

誤漢以後隸書既行無書要作與亦無孟作黽者大抵書籍之誤傳寫紛錯亦難盡以形聲理求也

皇甫張段列傳第五十五

屬國都尉李翕督軍御史張稟多殺降羌

頁三下

慈銘案漢隸有武都太守李翕析里橋郿閣頌及西狹道頌蓋即此人郡界以寧羌豪帥感奐恩德上馬二十匹先零酋長又遺金鑠八枚奐並受之

上

頁六

章懷注郭璞注山海經云鑠音渠金食器名未詳形制也洪氏頤煊曰

山海經中山神武羅穿耳以鑠郭注鑠金銀器之名此注食字當是銀字之譌莊子達生篇梓慶削木爲鑠釋文引司馬注鑠樂器也似夾鍾慈銘案說文曰鑠爲庚之或字庚者鐘鼓之附也本作虞周禮庚亦作鑠史記秦始皇收天下兵銷以爲鍾鑠似鑠非可遺之物先君子曰說文鑠器也鑠煎膠器也字皆與鑠相似疑此傳鑠字是鑠鑠二字之譌

慈銘案史記司馬相如傳千石之鐘萬石之鉅是鑠鉅兩字通也說文鉅大剛也史記禮書宛之鉅鐵施鑠如蠶蠶徐廣注大剛曰鉅是鑠者鉅之借字鉅者今之所謂金剛鑠尙書禹貢謂之鏤也

猛曰建安中爲武威太守殺刺史邯鄲商州兵圍之急猛恥見擒乃登樓自燒而死卒如占云

頁九上

慈銘案三國志注引典略云猛殺商在建安十四年至十五年將軍韓遂自上討猛猛發兵東拒其吏民畏遂乃反攻猛猛登樓自燒而死然則攻猛者非州兵也又按金樓子作皇甫商似誤

而張奐見欺豎子揚戈曰斷忠烈

頁九下

慈銘案蔚宗深痛漢末宦官黨錮之禍故諸傳論極口歎息反復備至而張奐平生感槩奮發終始可稱惟受詔討竇武一事自爲可議雖旋即悔悟且爲蕃武理冤而史家終不恕之吁可惜也

郡人周璆高潔之士

上頁一

慈銘案風俗通十反篇璆作糾云高唐令樂安周糾爲大將軍掾弟子使客殺人捕得太守盛亮陰爲宿留糾亦自劾去詣府亮與相見不乞請又不辭謝亮告賓客周孟玉欲作抗直不恤其親我何能枉憲乎遂斃于獄弟婦不哭死子而哭孟玉世人誤之猶以爲高應氏論之云周糾苟執果毅忽如路人昔樂羊爲魏伐中山歆其子羹文侯壯其功而疑其心秦西巴違命放獸而孟氏旋進其位麀猶不忍況弟子乎孟軻譏無惻隱之心傳曰於厚者薄則無所不薄矣

自蕃爲光祿勳與五官中郎將黃琬共典選舉不偏權富而爲勢家郎所譖訴坐免歸

上頁三

慈銘案風俗通窮通篇云蕃去光祿勳還到臨潁巨陵亭從者擊亭卒數下亭長閉門收其諸生賓客皆厭毒痛欲復收蕃蕃曰我故大臣有罪州郡尙當先請今約敕兒客無素幸皆坐之何爲乃欲相及相守數

時會行亭掾至因乃得免時令范伯弟亦即殺其亭長

小家畜產百萬之資子孫尙恥愧失其先業

頁四上

慈銘案治要恥下無愧字是也

況乃重罰令伏歐刃乎

頁四上

慈銘案刃當作刀治要亦作刃

光武加呂重賞

頁四下

慈銘案治要光武作世祖

杜塞天下之口聾盲一世之人

頁五上

慈銘案治要一世作一代章懷原本亦當如是

民物流遷茹菽不足

頁五下

慈銘案治要民作人章懷本亦當同

蕃友人陳留朱震時爲銓令聞而棄官哭之收葬蕃尸匿其子逸於甘陵

界中

頁七下

慈銘案三國志魏武紀注引九州春秋曰中平中陳蕃子逸與術士于原襄楷會於冀州刺史王芬坐楷曰天文不利宦者黃門常侍當族滅矣逸喜芬於是與南陽許攸等結謀靈帝欲北巡河間舊宅芬等因謀作難會北方有赤氣竟天太史上言不宜北行帝乃止芬懼自殺案此事不見于范書司馬彪五行志亦不載赤氣事

論曰桓靈之世

頁七下

慈銘按治要世作代

而驅馳嶮峒之中

頁七下

慈銘按治要峒作阬

愍夫世士巨離俗爲高而人倫莫相恤也

頁八上

慈銘案治要莫下有能字當據增

及遭際會協策竇武

頁八上

慈銘案治要遭下有值字當據增

功雖不終然其信義足目維持民心

頁八上

慈銘案治要民心作世心蓋本人心今本范書疑其避諱而改作民治要亦經後人誤改作世然此處本應作人心非由避諱後人皆妄改之上除禁黨討擊黃巾別帥大破之

頁八下

慈銘案禁黨當作黨禁

唯兄子晨陵得脫歸鄉里

頁十上

慈銘案三國志王凌傳叔父允爲漢司徒李催等殺允盡害其家凌及兄晨時年皆少踰城得脫亡命歸鄉里舉孝廉仕魏歷遷至太尉都督揚州諸軍事封南鄉侯謀討司馬懿事覺與子廣等皆死案此作陵魏志作淩淩冰也以字彥雲推之當作淩作陵亦通廣韻淩歷也淩本水名而引申之義如此東漢人或已行之陵本大阜而有隆高之義故侵陵陵夷字皆由此引申曹魏作陵霄闕其字正作陵彥雲之義陵字尤近然漢初名臣有王陵此不應同之也

王宏字長文少有氣力不拘細行

頁十上

補注案謝承書曰太原王長文弟子師位至司徒則宏乃允之兄也未詳慈銘案謝語引見下卷郭林宗傳注疑有脫誤否則長文之字偶同耳姚氏範遂以宏眞爲允兄非也

趙戩字叔茂長陵人

頁十一下

慈銘案戩爲岐從子似以附岐傳爲是

論曰

頁十一下

慈銘案此論全本華嶠漢後書稍改易數字耳嶠語引見三國志董卓傳注

黨錮列傳第五十七

熹平五年永昌太守曹鸞上書大訟黨人言甚方切

頁三下

慈銘案後漢紀鸞上書曰夫黨人者或者年淵德或英冠英賢皆宜股肱王室左右大猷者也而久被禁錮辱在泥塗謀反大逆尙蒙赦宥黨

人何罪獨不開恕乎所以災異屢見水旱荐臻皆由於斯宜加沛然以副天心也

胡母班附袁紹傳

頁四上

慈銘案胡母班僅於紹傳一見名氏而已何云附傳

唯趙典名見而已

頁四下

慈銘案趙典本傳言典桓帝時爲大鴻臚奏請恩澤諸侯無勞受封宜一切削免爵土帝不從後遷太常又曰諫爭違旨免官故皇甫規傳云永康元年夏日食規疏訟典等正直多怨流放家門是典之忤闕事甚昭著非特名見而已也范史此語微誤近儒若錢氏大昕洪氏頤煊遂謂東漢有兩趙典矣

著書數篇號魏子云

頁九下

慈銘案隋書經籍志魏子三卷

尋徵拜將作大將轉大司農坐竇武等事下獄自殺

頁十三上

慈銘案下卷竇武傳武將誅宦官時以勳爲尙書令故得與黃門令山水侍御史祝瑯雜考鄭廳於北寺獄及帝拜王甫爲黃門令持節收尹勳山水冰疑不受詔甫格殺冰遂害勳與此不同何也又前五十七卷劉瑜傳亦云竇武引侍中尹勳爲尙書令然則勳蓋由大司農轉侍中者耳

郭符許列傳第五十八

林宗雖善人倫而不爲危言覈論故宦官擅政而不能傷也

頁一下

慈銘案林宗未仕事不涉宦官其得免無足異若夏馥何伯求之類以未仕而遭禁錮考亦偶然耳不足見林宗身分余嘗謂范書若林宗黃憲荀淑陳寔等皆本其別傳家傳事多虛美非史論之公

澤爲代郡太守

四頁上

慈銘案澤子昶魏司空昶子渾晉司徒渾子濟太僕渾弟湛湛至坦之四世皆顯名于晉